



Inatsisartuni ilaasortaq Naaja H. Nathanielsen, Inuit Ataqatigiit  
Inatsisartut Allattoqarfiat  
Maani

**Namminerisamik mailimit allakkanik pisortatigoortunik nassitsisarneq pillugu §  
37 naapertorlugu apeqquteqaammut nr. 046-mut akissut**

09-03-2015  
Sags nr. 2015-112440  
Dok. nr. 1890529

Asasara Naaja H. Nathanielsen,

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

Inatsisartut Suleriaasianni § 37 naapertorlugu namminerisamik mailimit allakkanik  
pisortatigoortunik nassiussisarneq pillugu ulloq 24. februar 2015 arlalinnik  
apeqquteqarputit. Apeqquteqaat uannut akisassanngorlugu ingerlateqqinneqarsimavoq.

I

Akissutit apeqqutit kingornanniipput.

1. Siulittaasup Naalakkersuisoqarfiani pisortaanerup 21. januar Naalakkersuisut  
Siulittaasuat sinnerlugu Nick Nielsenimut ilumuunnginneraanissaanik  
piumasaqarami namminerisamik emailimit allanneranut suna peqqutaava?

Akissut:

Pisortaanerup namminerisamik mailini atorpaa Nick Nielsenip Folketingimi  
allattoqarfianit mailerutigineqarsimasoq akillugu allakkami. Nick Nielsenip allattoqarfiata  
mailia Pisortaanerup namminerisamik mailianut nassiunneqarsimavoq.

Pisortaanerup tamassuma kingorna peqqusivoq, Folketingimi allattoqarfiup allattugaataani  
namminerisamik maili pisortatigoortunik sulinermut mailimik taarserneqassasoq.

2. Maili taanna kingorna nalunaarsorneqarpa, taamaattoqarpallu qanga tamanna  
piva?

Akissut:

Naalakkersuisut Siulittaasuata Naalakkersuisoqarfiata e-maili arfininngorneq ulloq 7.  
marts 2015 tiguaa tamatumalu kingorna nalunaarsorlugu ataasinngornermi 9. marts.

3. Namminersorlutik Oqartussat sinnerlugit suliaqaraanni taava namminerisamik e-  
mailimik atuinissaq nalinginnaasua?

Akissut:

Naagga, namminerisamik e-mailimik atuinissaq nalinginnaasuunngilaq. Pisumi matumani aalajangersimasumi pisimanera ajuusaarnarpoq. Soorunami pisortatigoortumik allaffigeqatigiinnerit attaveqaatit pisortatigoortut atorlugit pisussaasariaqarput.

4. Namminersorlutik Oqartussanit kiffartuussinermi imaluunniit paasisstisseeqatigiinnermi namminerisamik e-mailit atornerinut Naalakkersuisut allanik ilisimasaqarpat?

Akissut:

Nunatsinni Namminersorlutik Oqartussat suliffeqarfiuvoq angisooq, Naalakkersuisullu oqaatigisinnaanngilaat, ilaatigut arlaannik pissuteqartumik namminerisamik e-mailit atorneqartarsimasinnaanerit. Taamaattorli Naalakkersuisut isumaqarput, pisoq manna pineqartoq taamaanngitsoq. Taamaattumilli Nunatsinni Namminersorlutik Oqartussani adressit il.il. pisortatigoortut atorlugit soorunami attaveqatigiittoqartariaqarpoq.

Inussiarnersumik inuulluaqqusillunga



Kim Kielsen